

INUIT ATAQATIGIIT INATSIARTUNI



UPA 2023/Imm. 11
23.05.2023
Agathe Fontain

2022-mut Nunatta Karsiata naatsorsuutaasa akuerineqarnissaannik siunnersuut

(Aningaasaqarnermut Naligiissitaanermullu Naalackersuisoq)

Naalackersuisunut qujanaq Nunatta karsiata naatsorsuutaanut 2022-imoortunut.

Naatsorsuutit nangaassuteqanngitsumik avataaniit kukkunersiuusumiit akuerineqarput, tamanna Inuit Ataqatigiiniit nuannaarutigaarput, qujassutigalugulu.

Nunatta karsiata siullermeernerani makku maluginiarpagut.

Kukkunersiuusut oqaaseqaataanni pingaarnerni marluusuni allaaserineqarpoq, naatsorsuutit sunnerneqarsimasut , kommuneniit isumaginninnermut tunngasuni utertinneqartussat 2021-mut sammisut, 2022-mi akilerneqartariaqarsimammata.

Tassanilu aningaasat 65 mio.kr amerlassuseqartut pivagut.

Ukioq manna taamak pisoqaqqittoq, tassa 2022-mut utertitassat 2023-mi aatsaat tiguneqarsimallutik.

Oqaaseqaatit aapparaat, Nam.Oqartussat, Mittarfeqarfiit tunniussassaraluaniiit 115 mio. koruunit nalinganut isumakkeerinninnerat, Mittarfeqarfiit piginneqatigiifittut, suliffeqarfik nammineq ingerlatsisutuut, ingerlalerneqanut akileeqqaarutaatut 2022-mullu aningaasartuutitut ilineqarpoq.

Maluginiaqquneqarporli isumakkeerinninneq taanna, Mittarfeqarfiit-nut piginneqatigiissutitut akileeqqaarutaatut pimmat. Naliliinermilu nalunaarusiornermi naatsorsorneqarsimavoq, suliffeqarfimmut akileeqqaaruti 170 mio. kr-nik naleqartut. Tamanna pitsaasutut Inuit Ataqatigiit isigaarput.

Ukiumi missingersuusiorfiusumi kukkunersiuusut oqaaseqarfigaat ESU-mut aamma BSU-mut taarsigassarsianut tungasut.

Taarsigassanut aaqqissuusineq pisoqalersoorsimasoq nutarterniarneqarpoq. Maluginiarneqarsimavoq akilersuisitsinissaq pinngitsoorsimasartoq, taakkulu erniaanik akiligassiinngitsoortoqartarsimasoq.

ASA, Ineqarnermulu Naalackersuisuoqarfik 2023-p ingerlanerani misissuinissaa pissammat, mississuisoqareerpat aqqiiffigineqartussat suliarineqarnissaat naatsorsuutigaarput.

Oqaatigineqarpoq nualluut Covid- 19 -mut atatillugu, tapiissutinik pissarsisimasut ilumut pisinnaatitaaffigisimaneraat paasiniaqqulugu 2020-mi aalingertoqarsimasoq. Naalackersuisuoqarfilli suli tunniussaqaarsimanninnerat uparuarneqarpoq.

Naatsorsuutit aappassaaniinnginneranni, sapinngisamilli piaartumik Kukkunersiuinermut ataatsimiititaliamut apuuneqarnissaa kissaatigissarvarput.

Kukkuneriuisut siusinnerusukkut oqaaseqaataanniit maliitarinninnermi oqaaseqaatigineqarsimasut:

Namineq nakkutilliinermut atatillugu akissarsiat tamakkiisut allattorsimaffiinik suliaqartarnerup pingaarutaanik erseqqissaaneq.

Iluallassimasutut malugineqaralarluni, ataasiakkaanik suli naammassisaqartoqartariaqarsorinarmat 2023-mi malinnaafigisassasoq oqaatigineqarpoq.

Pisortat suliffeqarfiutaannik allanik pissaqaqatigiissutit naligiissaarneqarnerat.

Aallarniininni oqaatigisakka innersuusutigalugit, pisaq aaqqiivigineqarnissaa pingaartutut isigaarput.

IT-mik suliassaqaarfimmi atuisunik aqutsineq pillugu Kukkunersiuisup Naalackersuisunut innersuusutaasa malinneqarnissaat naatsorsuutigilluinnarpagut.

Pisiortorfinnut akiisut aamma aningaasaateqarfinni uninngasuutit naleqqatigiisinneqarnerat. Siunnissami suli ilungersuunerullugu, qaammatikkaartumik naligiissarineq ingerlanneqaqquneqarpoq.

Taammatut oqaaseqarluta aappassaaneerineqarnissat Kukkunersiuinermut ataatsimiititaliamut innersuupparput.